

ՀԱՇՎԵՏՎՈՒԹՅՈՒՆ

1. Անունը, ազգանունը՝

Մարտիրոս Նալբանդյան

2. Զբաղեցրած պաշտոնը՝

ՀՀ ՏԿԵՆ ջրային կոմիտեի նախագահի տեղակալ

3. Գործուղման վայրը և ժամկետները.

Բելգիա (Բրյուսել), 2024թ.-ի մայիսի 29-ից մայիսի 31-ը

4. Հրավիրող կողմը.

Տնտեսական համագործակցության և զարգացման կազմակերպություն (OECD)՝ «ԵՄ-ն շրջակա միջավայրի համար. Զրային ռեսուրսներ և շրջակա միջավայրի տվյալներ» ծրագրի շրջանակներում:

5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն ԵՄ Արևելյան գործընկերության երկրների տարածաշրջանային 11-րդ կլոր սեղան-հանդիպմանը՝ նվիրված Զրային ոլորտի ֆինանսական հարցերին:

6. Քննարկված թեմաները.

Մասնակցել եմ տեղի են ունեցած բոլոր 6 թեմատիկ պանելային քննարկումներին՝ հետևյալ թեմաներով.

- 1) Եմ ջրային օրենսդրության իրականացմանն ուղղված ներդրումների մասին որոշումների բարելավում,
- 2) Քաղված դասեր՝ գնահատելու համար հնարավորություն ընձեռող միջավայրը Արևելյան գործընկերության երկրների ջրային անվտանգությանն ուղղված ներդրումների համար,
- 3) Դեպի ֆինանսապես կայուն ջրային ոլորտ, տնտեսական գործիքների կիրառում և ռեֆորմներ,
- 4) Կայուն ջրային կառավարման բարելավման ֆինանսական գնահատում. Հասանելիություն, մարտահրավերներ և նորարարական լուծումներ Արևելյան գործընկերության երկրների համար,
- 5) Գետավազանային կառավարման պլանավորման ֆինանսավորում,
- 6) Գորշից դեպի Կանաչ: ջրի կառավարման հարմարվողականության և ֆինանսավորման նոր մոտեցումներ Արևելյան գործընկերության երկրներում:

7. Հանդիպումները, ելույթները, բարձրացված կամ քննարկված հարցերը.

Հանդիպում և առանձնազրույց եմ ունեցել Տնտեսական համագործակցության և զարգացման կազմակերպություն (OECD)-ի ծրագրերի ավագ կառավարիչ պարոն Մեթյու Գրիֆֆիտսի հետ՝ քննարկելով հետագա հնարավոր համագործակցության շրջանակները և Հայաստանի ջրային համակարգերի ոլորտային հետազոտությունների առաջնահերթությունները, նպատակ ունենալով «ԵՄ-ն շրջակա միջավայրի համար. Ջրային ռեսուրսներ և շրջակա միջավայրի տվյալներ» ծրագրի հետագա փուլերում դրանց համատեղ հասցեավորումը: Ելույթ եմ ունեցել «Դեպի ֆինանսապես կայուն ջրային ոլորտ» պանելային քննարկման շրջանակներում, ներկայացնելով «ԵՄ-ն շրջակա միջավայրի համար. Ջրային ռեսուրսներ և շրջակա միջավայրի տվյալներ» ծրագրի շրջանակներում կատարված ոլորտային հետազոտության արդյունքները և կիսվել Հայաստանի փորձով: Հանդիպման ավարտին հանդես եմ եկել նաև եզրափակիչ ելույթով՝ Հայաստանյան պատվիրակության անունից:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Հանդիպման ժամանակ որոշումներ չեն ընդունվել, պարտադիր կատարման ենթակա պայմանավորվածությունները ձեռք չեն բերվել, փաստաթղթեր չեն ստորագրվել:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Առաջարկություն եմ ներկայացրել Տնտեսական համագործակցության և զարգացման կազմակերպության (OECD) ծրագրերի ավագ կառավարիչ պարոն Մեթյու Գրիֆֆիտսին, որպեսզի ՀՀ ՏԿԵՆ Ջրային կոմիտեին դիտարկեն առաջնային գործընկեր կառույց կամ կառույցներից մեկը Հայաստանից՝ նոր մեկնարկվելիք «ԵՄ-ն կլիմայական դիմակայունության համար» ծրագրի շրջանակներում, որի շնորհանդեսը և մեկնարկի մասին հայտարարությունը ներկայացվեց հանդիպման առաջին օրը:

Լրացուցիչ տեղեկատվություն.

Հանդիպմանը Հայաստանից հրավիրված էին ՀՀ ՏԿԵՆ ջրային կոմիտեի և ՀՀ շրջակա միջավայրի նախարարության ներկայացուցիչները: ՀՀ շրջակա միջավայրի նախարարությունից հանդիպմանը մասնակցում էին նախարարի տեղակալ պարոն Տ. Գաբրիելյանը և Ջրային ռեսուրսների քաղաքականության վարչության պետ տիկին Լ. Աբրահամյանը:

Բացի պետական կառույցների ներկայացուցիչներից, հայաստանյան պատվիրակության կազմում էին «ԵՄ-ն շրջակա միջավայրի համար. Ջրային ռեսուրսներ և շրջակա միջավայրի տվյալներ» ծրագրի ներկայացուցիչ պարոն Վ. Տոնոյանը և Բելգիայում Հայաստանի դեսպանության ներկայացուցիչ:

Հանդիպման մասնակից երկրներն էին՝ Հայաստանը, Վրաստանը, Ադրբեջանը, Ուկրաինան և Մոլդովան:

10. Ստորագրությունը, ամսաթիվը

Մ. Նալբանդյան, 06.06.2024թ.

